

# Comité-Schnitzelbank 1933



## D' Weschwyber

Mir wäsche do e Kiebel Plunder  
s' sind besti Rischterli do drunder,  
Wenn's aine ergetet s' isch is glych  
Mir stupfe alli, arm und rych.

In der Schuel fotsch hätte umäberogge  
Doch kaine ka der ander schmogge.  
Der aint zieht unde, der ander obe  
Und alli wänn der Herrgott lobe.

Biri strahlt im Lichterglanz,  
Doch glappe duet die Gschicht nit ganz,  
Und nur e Wuche hält isch's gsy  
By uns isch's hält, Johr us, Johr y.

Bernaglet isch do s' Spaletor,  
Eso isch's scho syt mängem Johr,  
Doch vernaglet isch, poh sappermänt  
Au unser Baudepartemänt.

I jaig eich do e Kohlema,  
E Sowietstärn mues jede ha,  
s' fählt mir no, das uff d' Nähnig mues  
Als Unterschrift „Genossengruoch“.

Zueg dert, dert lasch der Piccard gseh,  
Zueg schmäll, sunscht gschsch en nimme meh;  
Ne gseht en dert am Himmel obe,  
Doch är hoggt by de BiriSchwoobe.

Biri isch e Paradies,  
Doch däne zwai do wird's ganz mies.  
s' Auto, s' Wäld und d' Klaidler wögg  
Und Judiblutt, s' isch gwiß kai Schlägg.

D' Abriechtig kunnt aim komisch vor,  
Sie d'haupte y' Lausanne, das isch woehr,  
Das e Bombe vom e-n-e Luftfahrzogg  
Nit g'fehrlig, ehuder laschtig syg.

D' Schuggerei macht sich enorm  
In ihrer Christkinduniform.  
Doch d' Uniform elai isch hält,  
So Seel und Hirni schwögg i schnäll.

Wenn ehrlich isch e-n-arme Finder,  
So wird är ygschpeert, o pfidschinder.  
Worum speert me nit der Richter y,  
Do wär der richtig dinne gsy.

Wär s' Wäld nit unterschälde ka,  
Stellt me by de Bischer Schugger a.  
Bis das e-n-e e Liecht isch do usgange,  
Hoggt tagelang die Schwester gfange.

Isch aine nit ganz bynenand,  
Befriedigt är sich mit der Hand.  
Die Jo-Jo-Handglänktakrobatig  
G'hert ender au zwer Psychopatig.

Der Schnörri het e Partei erfunde,  
Wo kai Partei syg, het är g'funde.  
E Partei wo kaine syg, heisch ghert  
Wo ebe nur der Schnörri schneert.

Die Wesch wär fertig, Gott sei Dank,  
Mit däm au unsere Schnitzelbank.  
Du glaubsch es nit, waisch was mir bängge,  
Du lasch by frehlig sälber hängge.

---

Kemmet alli am nächste Samsdig y'Oben am sebene in  
Rufgsoal zum Schlußobe vo de Comité-Schnitzelbängg.

---